

溫霽提命而又裹蹠叨

天府之貺文錦襲被服之珍自揣顛愚罔知報稱
然感



恩矢志自今以往臣不特以河爲家卽以河爲身
矣身之疾疾臣自知之而自療之必不使鳥
喙雜投而以參苓資庸醫之藥籠終委身于
嘗試也

陛辭而出卽取水道沿途料理至德州交印受代

凡應濬應修之處稽其淺深量其遠近尋其淤塞之源求其蓄洩之法仍飛檄所屬倍加併力臣躬歷上下不時督察必不敢一息偷安一事旁委金錢必不使冒破官吏必不使欺蒙俾輸輓以時河流順應以紓

聖明根本之慮以竭微臣犬馬之忱苟食斯言身膏斧鉞此臣再瀝悃誠對

皇上以對

天地神明者也臣不勝感激圖報之至

崇禎十三年三月十三日具奏十五日奉

聖旨知道了河務重大張國維着卽速任料理力圖實效以副委任若漕利費省爲爾之功定行超擢如沿弊悞漕責有所歸該部知道

欽差總理河道提督軍務工部右侍郎加兵部右

侍郎提調徐臨津通四鎮漕餉事務兼都察

院右僉都御史臣張國維

忠敏公遺文卷之十一集
奏爲微臣積瘁成疴積思成劇懇乞

聖明垂慈

允放以遂首邱以申子職事伏念臣至愚極陋兼
以稟氣素羸七年撫吳精血耗竭兩疏乞骸
未蒙

俞允謬

簡治河叨

恩陞見親承

天語叮嚀

寵賜優渥臣仰戴

隆遇誓捐七尺以圖稱塞履任之初值異常大祲

赤地數千里遠近惶臣搜泉興浚單騎馳

驅手口拮据靡事不爲是年運務乃竣屆冬
盜賊蠡起所在焚劫人致相食編戶十死其

八沿河村落俱空州縣閉城嬰守臣日日于

豺虎穴中問水問舡此身之幾死者屢矣且

直省遍地傷災兵餉河銀徵解不前無食而
兵不可去無銀而工不可費無夫而運不可
停方圓交畫獨拍勢窮臣一面訓兵以接運
一面蓄水以待船衝寒暑廢寢食鬚髮無一
莖黑者去冬催船往夏鎮染黃疽一危證勺
水不入口者半月因運務方棘不敢上

陳未幾李逆變起力疾督勦倉皇收捷臣并躬親
挑浚諸事隆冬罔輟兩年新正未嘗在署春

間會勦徐嶧諸賊運道畢通仍竭力於催空
督起放湖獲浚舊漕接踵新運賴

皇上之靈舳艫迅度諸湖滿收之水涓滴未洩可
待來年屈指臣受事以來三年告竣而狗馬
疾困遂不能支九月十九日正乘部檄南催
白糧忽然昏暈不省人事扶掖歸署延醫周
瀛選胗視謂係積勞所致非急急謝事靜調
必無生理臣于迷瞶中聞之不禁泣然泗下

忠節公遺文 卷之六 集
緣臣有至情隱痛未舒疾病則呼

天有不得不披瀝于

皇上之前者臣弱冠失父兄弟早夭臣母甘貧操

作勉臣于學今克爲

皇上効犬馬臣母成之也向曾迎養於蘇後仍以

多病兩暮而返迨臣叨量移奉

陛見之

旨不敢過里門而輒北母每寄書最以盡瘁報

國母念老身臣雖奉以周旋然而獨子違養中

夜疚心未嘗不魂飛夢繞腸斷淚枯今春臣

母憫臣鞅掌遣臣幼子趨視而中途夭折重

增母感况母明年八十臣事

陛下之日長報劉之日短矣坐視百端交集憔悴

支離實繇于此惟時當多故臣不敢言勞誼

切至身臣不敢言病

聖明宵旰臣不敢以私情

忠錄及遺文 卷下 集
請但積瘁已極勉撐徒有殞身方寸亂引重必致誤

國方今衆正彙征才能濟七堪用庸碌如臣猶之溟渤一鳧焉能爲有伏乞

皇上垂矜允放速

簡才望代任臣獲以未死之身歸見母面卽遽填溝壑亦當矢報來生萬一殘喘尙存異日乃可以肝腦答

聖恩也緣係陳情字數踰格伏惟

聖明鑒宥施行

崇禎十五年九月十九日具

題十月初九日奉

聖旨卿治河著績晉簡中樞着卽遵旨赴任不得顛陳該部知道

協理京營兵部尙書臣張國維謹

題爲浙東地屬毗連南糧例難互異謹合詞以

懇

同仁以安重地事竊烙金紹二府南糧

祖制原係改折近年始改爲本色竭脂飲血勢不

能支閭閻騷然官民交病誠東南第一厲政

也向來臣等士民公籲不一而足茲撫臣黃

鳴俊目擊心憐有浙東民困未甦一疏奉

聖旨金紹衢同是浙東地方

先帝朝獨許衢郡而不及金紹明有分別今欲三

府一例自後踵請者恐又不止金紹將使京

庾虧額根本莫資該部從長酌議具覆欽此

臣等恪遵

明綸祇候部覈非真患剝膚之災惕反裘之喻何

敢妄置一喙惟是錢糧起解本色與折色脚

費相去什百折色尙可陸運本色必資舟楫

故南糧本色例派浙西與江南諸府以其水

鄉易達也浙東地方踰江度嶺勢必從杭州

忠敏公遺文 卷下集
起剝漭淺難以輸輓壩梗苦於盤運視嘉湖
等府迥異所以紹金衢雖派南糧止徵本色
察

會典嘉靖三十二年

題准浙江紹興金華衢州三府起運南糧倉米
每石連蓆耗折徵銀七錢類解本部二十六
年令南京倉糧察復先年舊規除金華衢州
紹興三府每石折銀七錢其餘俱徵本色四
十二年又經申飭至崔魏時始改徵本色百
姓每輪斯役輒搶地呼天肝摧腸裂蠹役借
端需索奸徒乘間而包侵貽無窮之累含無
告之冤鬻田廬棄妻子仍不免於桁楊犴狴
之慘貧富俱盡數年以前已不聊生今更爲
獸窮則撻之時矣

先帝朝獨折衢郡而不及金紹者道臣夏尙綱駐
劄衢州只爲衢請紹金二郡隔於不知坐失

忠勉公遺文 卷之八 集
三
奔控耳三府之地勢同困累同

會典之所載又同

明旨疑有分別實無分別何忍使金紹二郡獨爲
向隅之泣耶至於浙東地方自紹金衢而外
向來不派南糧其他解南糧本色者皆係舟
航易達之地俱不得踵此以

請也况去冬潢池竊弄蹂躪金華震於其鄰紹
興相率驚竄至今隳疏可虞復加以浚骨剗
肉之苦事將有不可知者則改折非徒甦困
實弭亂之急着也察往時南糧改折徵解全
完自改本色之後追呼不前反多積逋徒困
民生而且於公家有損矣臣國維今春奉督
理浙直之

命至嘉禾晤督催南糧科臣羅萬象言

南都本色尙可支持最苦折色匱乏卽嘉禾水
鄉俱議每石折一兩二錢臣爲金紹二府援

忠勉公遺文公集
例以

請准科臣回咨已

允一兩二錢蓋灼知裒益之權以爲上下皆利之計臣已遍示二府通知今復徵本色非所以示信也况建業肇都糧艘鱗集米價每石七錢目前軍需孔亟所患不難於本色而難於折色若使從折色一兩二錢之例每折一石可得倍利改折十萬石可糴二十萬石之米一轉移而公私胥受其利豈止京廩不虧而已耶即使他處可以踵請亦當權宜行之以裕度支矧非他處可比例乎臣等謹關桑梓并熟籌

國計用是激切籲陳伏乞

勅下戶部細察

會典三府是否同例他府果否難援

俯允所

忠勤公遺文卷之四集
請永徵折色兆民幸甚

崇禎十六年七月十一日具

題十七日奉

聖旨浙糧徵折色如果便民戶部詳察具覆

南糧部覆疏稿

南京戶部右侍郎兼都察院右僉都御史

臣張

等謹

題爲浙東民困未甦南糧
舊制宜復懇

恩允行改折以紓物力以裕

國計事浙江清吏司案呈奉本部送戶科抄出
巡按浙江監察御史任天成題前事等因於
崇禎十七年七月初一日奉

聖旨這三府南糧應否改折着戶部酌議具奏欽

此又該浙江巡撫黃鳴俊亦題前事奉

聖旨紹金衢同是浙東地方

忠節公遺文卷之四
先帝將南糧改折獨許衢郡而不及金紹明有分
別今欲三府一例自後踵請者恐又不止金
紹將使京庾虧額根本奚資該部從長酌議
具覆欽此又該協理京營戎政兵部等衙門
尙書張國維等

題爲東浙地屬毗連南糧例難互異謹合詞以
懇

同仁以安重地事奉

聖旨浙糧徵折色如果便民戶部詳察具覆欽此
欽遵備抄到部送司奉此案呈到部該臣等
看得南庾匱乏積貯宜充原係輸解本色地
方自否應輕議折但金紹衢三府名爲浙東
其轉輸糧米必繇杭州過壩五十餘里車運
之費不貲此

國初則壤定賦三府一槩故折良有以也至天
啓七年因南庾匱乏將三府一概徵解本色

忠敏公遺文 卷一 集
三
民情沸然衢州土最瘠而民最頑歲七拖欠
部臣知徵本色之無益也故因其控陳旋准
改折金紹民風較淳未曾同衢奔控雖連歲
間輸十之四五而民力已疲耗不堪矣此該
撫所以爲民請

命諸紳所以連名補牘也今日災荒之地雖
祖制追徵本色者多題改折况

國初定制良有深意遵行三百年而可驟變之
乎今日之改折乃復

祖制非變
祖制也察

恩詔一款凡漕糧永折地方今當復還改折則南
糧可知其應從該撫之請無可疑者據浙中
紳民訴苦稱運米一石費米不止二石今雖
以一兩二錢一石定價亦輿情所樂從察衢
州折例連正耗一兩二錢五分一石金紹二

府應照衢例自十七年爲始准其未折每石折價一兩二錢五分上納庶乎民困稍甦而國課亦不損矣既經該司案呈前來相應覆請恭候

命下臣部轉行遵奉施行爲此具本謹題請旨

崇禎十七年七月二十五日奉

聖旨該部知道

又該戶部具覆八月初八日奉

聖旨金紹二府南糧姑准改折

協理京營兵部尙書張國維

題爲徵臣初領

勅書以肅營伍以佐定攘事臣蒙

特簡協理京營南樞添設協理自臣昉也以新任

之官履新設之暑規畫未一文案無稽七月

十三日

恭頌

勅書關防復蒙

賜銀四十兩彩緞四表裏受事伊始異數特頒自

今以後皆爲臣捐糜圖報之日矣察

會典及戎政諸書所載規例甚具皆北營所遵行者今則時與地大不相侔創與因更屬懸絕

臣宵旦自盟誓必圖進取豈敢作身家之計

哉凡一切興釐臣不惜任怨任勞細七實商

事七急做獨是人心積玩非奉

天語申飭無以昭畫一垂永久也除營務規條次

第會

奏謹舉大綱先列八事以

請

一曰勵忠義以教戰

六師之制原爲戰守交資邇來羽林期門輒費戰而言守至於

南都積弛之後并守亦未易言矣兵法能戰而後能守故天下雖平忘戰必危况在草昧不寧之候乎語云明恥教戰又云民未知義未生其共夫恥孰有大於今日義孰有大於復仇者營中朝夕申警首宜在此而討軍實次之以干戈爲苦塊以組練爲膽薪人懷擊楫之心共厲死綏之志然後可成

皇上之一怒安民耳

一曰澄本源以肅紀古者團伍教練令罔不率非獨特徒木之威也平日恩以聯之廉以懾之耳邇年將吏黷貨虐軍深忿積怨衆且視爲異復誰與懾耶今臣任叨長子潔己懲貪

請自臣始臣敷歷中外二十餘年硜匕之節處

脂不潤遠近所共曉倘渝素志以導貪風是負

恩之甚也業已矢之神明布之中外如有扣剋科派及餽遺賄賂諸弊而不恪奉

勅書以從事是

臣

罪也

若徒求影直而表之不端

但受一錢狗一囑纖毫有可指摘

臣

罪更浮

卽當立膏

斧鉞以爲懷私誤公之戒矣

一曰精選陞以勵士古云有制之兵無能之

將不可敗也

臣

謂無能之將必不成有制之

兵故

勅書責

臣

選領誠重之已

京營舊例各營副將

號領中軍千把總等官酌量年資俱照營分

挨次補用所以杜鑽求也今營務雖設缺多

人少勢不得不各舉所知以司募嫻其間或

採資望或較技勇務使矢

天日協輿論始裨戰守嗣後卽以所操之強弱定

將領之殿最分列等第進呈

忠誠不遺少 卷下集
御覽遇有缺出應補應陞按序公遜不必外求以
啓營競致令本營抱嘆積薪下至卒伍亦開
其脫穎漸進之路庶賄賂情面兩無所容而
人懷勇奮矣

一曰慎召募以蓄銳京營積弱每多不任干
戈勤操則怨聚奉汰則謗生繇於勾補原伍
不問強弱但取充數故豪有力因而包冒幾
成極重難返之勢今欲大舉兵威宜振但有
技勇合式者無分軍民察明籍貫卽爲收伍
旣省勾補之擾且杜包冒之端至於投充使
用有每名出至數兩者後卽定爲頂首旣以
賄進安望精良今宜痛懲此弊如或妄受分
文役究官叅庶宿習一清而遠近聞風響應
矣

一曰嚴糾劾以飭法軍之奮懦視其氣式怒
蛙者鼓三軍之氣而已若駁駑無別則銳者

忠純及遺文 丁集
三
衰剛者餒矣

京營將材必萃桓趙之選然中有材守未兼終始互異者間有違令債轄時刻難容者悉舉而聽之歲終舉劾廩糈耗於庸流優容疑於漏網何以示懲耶臣

請時加察核如有罪狀顯著不時糾叅而三軍觀望尤在大帥倘或養重以因循或虛驕以

凌競臣

奉節制之

命白簡必無假貸庶法令必行而旌旗改色矣

一曰輯兵民以安衆南北異宜剛柔殊性耕者惜禾黍驟馬蹂之則泣且詈販者競錙銖健兒強之則忍而囂近來譁形屢見皆由於雜處而不早爲之所也迨釁成而不加處治則廢法及行法而稍有輕重則啓爭相搆紛紛伊於胡底今惟修建營房執戈者歸於伍

負耒耨者棲於庭不必曲爲調停已預消其嫌
隙兵安而民益安斷不宜惜建營之小費而
遺不可知之害者也

一曰分步騎以責成從來昭義步兵漁陽突
騎原相成而不相背但法曰地生稱稱生勝
貴於善用之耳大江以南經川積石險阻沮
洳此步兵之地而騎兵五不當一者也凡吳
越川黔之衆則應責以水犀魚麗之功大江
以北平地淺草可前可却此騎兵之地而步
兵十不當一者也凡燕趙青濟之良則應試
以摧鋒陷陣之略况西北桓趙實爲可用搜
羅鼓勵不得獨遺但宜用當其才人宜其地
或阨郊關之要衝或屯江北之扼塞務宜各
抒忠義勉策膚功干紀者自有常典趨羣者
不惜厚糈庶賞罰有章而攻守攸賴矣

一曰定大閱以課效古帝王訓民禦暴此治

忠節公遺文卷下集
兵振旅之典所由舉也况今賊寇交訐伏莽
伏垣在七堪慮而可弛武備哉但近日軍容
盡成文具操塲之金鼓非不闐然至臨戰而
金鼓之耳有不聞矣操塲之旗幟非不旒然
至臨戰而旗幟之目有不見矣操戰各分難
名素教積衰之士氣不加以

天威則不奮伏乞

皇上預示赫韜之臨明

頒賞罰之格則大帥作氣而城闕百倍赫聲濯
靈遐邇咸服矣以上八款事關職掌伏候

皇上採行但管子論兵存乎論財而財無敵近日
武備廢弛實繇餉匱如召募之始而無財則
士不來冒刃之時而無財則士不往教閱之
時而無厚糈以振作其心志則八陣六花三
官五教之法盡無所籍手以行而且有庚癸
之呼難測之事伏乞

忠節公遺文卷之四集
皇上

勅諭源匕接濟以資飽騰庶可竭駑以鈍壯貔貅
矣

崇禎十七年二月十六日具

題

奉

聖旨兵事積玩卿所陳八事足振六師之氣所以
資飽騰作敵愾必財糈接濟其有賴乎戶部
知道

進呈古中興任賢從諫錄表

欽命行邊賜尙方劍便宜行事太子太傅兵部尙
書兼東閣大學士臣張國維

奏爲恭進編摹仰贊

高深事臣惟特興之力百倍承平中起之君人同
開創精神勇於憂患之中文格盡於大亂之
後繇其發憤天下若痛癢之求人故進納群

材如饑渴而得食英流皆在俞咈交颺譬之
雲構將成必授斤於良匠形容欲好式取鏡
於旁人用古準今百無一失恭惟

皇上

聰明間世

神武當今以

少康一成之日有

周宣六月之威

九廟之大仇在身萬方之有罪惟

朕爰呼將伯共灑同戈更思黃髮之皤匕不昧

勞人之草匕如愚臣劣亦荷

慈帡臣昨者因事獻規據愚抒忱臣方慚其補

牘

主已極其轉圜知老臣之不欺忘所言之迂梗拜

颺之後涕泗皆流

君而能然臣何幸矣臣嘗反覆自古中興之會觀

其君臣相與之微一時從遊盡在奇碩行間
握手動告艱難是雖黃屋君臣之分實有布
衣昆弟之心前史稱佳今徽有述臣雖戎馬
之遽間從編牘之搜摘要成書因文綴論大
略德莫光於聽牖務莫先於知人若君若臣
可師可法臣又按是數君者上啓殷高下存
南渡或扶光於將絕或嗣統於旣傾或王業
偏安而其時二仇未報竟至今畱爲公憾或
鍾簷無恙而其君精神特起總不得限以守
文史冊所臚伐柯不遠且夫功如光武德若
周宣而無名方耿鄧之彥不能成其功弱如
建康危如靈武而聽王庾汾鄴之謀亦足延
其業蓋家蓄庸醫方雖良而何補病能受藥
証已劇而必生是以扁鵲不過諱醫之門而
二豎深遁膏肓之府覆車未遠明鑑斯存伏
願

皇上鑒其愚芹采斯下菲創前帝之未有行古人
所難爲若被異代之明良固可同堂而颺拜
人材難得豈漢文拊髀而終嘆其無藥言可
嘗在李泌同床而猶以爲苦况臣之才萬不
及古

皇上之局更難於前屬燧火之交馳求謨猷之孔
迪微於今日紀之他年其可忘陰雨疾風恍
惚夫滹河蕪蕩斯則

皇上千秋之業抑亦老臣一寸之心臣無任激切
悚祈之至

協理京營戎政太子太傅加一級兵部尙
書臣張維國

謹

奏爲情幸荷

炤臨父卹冀邀

錫類謹循例上

請推恩以廣孝治事臣頃以祖父窀穸之事瀝

血控陳荷

皇上俯鑒至情沛然

予假不獨微臣誼當粉骨死者有知亦不啻效環

草之報矣顧弛以月日者恤私之曠恩而責

于泉壤者至公之大典凡非分之求事雖小

而難覲應得之例榮雖渥而非倖用是齋祓

而冒昧再

請也臣父生員張希武齏鹽勵志詩禮貽謀臣

自舞勺以迄成人朝夕訓勉惟忠孝廉節四

字蓋半世伊唔嘆終老於縫掖一燈課讀恒

切望於顯揚自臣筮仕以來臣父累邀

贈恤幸逢

皇上龍飛以

覃恩獲贈太子太傅今當小兆之期而不爲仰顧

宏仁非獨親恩罔報并

國典亦虛矣察得

會典在京一品二品父母妻喪三品四品父母喪
曾受

封贈及致仕者各照品級造墳安葬又一款兩京
二品以上文官并父母妻三品文官并父母
曾授本等封者俱照例祭葬臣父正與例合
近見原任兵部侍郎張鏡心禮部侍郎管紹
寧咸已得請鏡心父母更照一品例祭葬臣
雖碌七遜人而臣父蒙

恩實贈一品覺爲過之此臣烏哺之私不禁具神
摧而涕隕也伏乞

勅部察炤一品典例給與祭葬教孝卽以作忠世
世頂戴無斃矣臣無任悚息待

命之至

宏光元年二月初二日具

奏本月初四日奉

忠節公遺文 卷一 集
三
聖旨卿久勞王事暫假營塋所請恤典該部察例
卽與議覆南京禮部

題爲情幸荷

照臨父卹冀邀

錫類謹循例上

請推恩以廣孝治事祠祭清吏司案呈奉本部
送准禮科抄出協理京營戎政太子太傅加
一級兵部尙書臣張國維謹